

Feilixlmxr Sul

1

Zzasoso Dae Biex

¹⁻² Feilixlmxr, ngo mel Barloxr a. Ngo Yisu Zidu leil weix a loxrgier dae. Ngo nei ngo nimar Tixrmoxrtaexl ngua nrnel ngua perniar dae Feilixlmxr nei ni ake hher dae Yisu leil ddarzzi su ca mel leil, halae arzzi-nimo Yalfeiyal nei Yalzibuxl nia leil xil vaexr gger. Feilixlmxr, ni mel ngua miar bei carbeix a. Yalzibuxl, ni mel Yisu ddei ddar seirseir mel leil weix a, ngua dax cirgo a meixr mu carbeix loxr sael a nga.³ Niul ddei Arbbor Arbosobo nei Seirpor Yisu Zidu leil nia leil cirza-hanga seirseir cirke meixl gger lol nia, nia leil nixmox zzaso lol nia!

Feilixlmxr Yisu Leil Yarzisael Ddarzzi Halae Ca Leil Perniar

⁴⁻⁵ Ngo nimar Feilixlmxr, ni Seirpor Yisu leil yarzisael ddarzzi dae, halae Arbosobo ddei cassor-worssor maelmaerjjia leil lei hazzi perniar dae a, ngo bbejjiur a. Yel ngo Arbosobo dax ddar biar car a, zoxlzoxl a ni leil ngo ddei Arbosobo leil nawo gger dae.⁶ Ngo Arbosobo leil qiuxr a, nia zoxlzoxl a cirgo a hher dae a, zzicarzzi dax Yisu leil arsae ddarzzi biar lol. Eine nga a mel, ni dder Zidu nia leil arsae seir lol saexl gaxzi a.⁷ Ngo ddei nimar, ni Arbosobo ddei cassor-worssor mel leil einezeixl perniar a, yaa leil nixmox zzar zzaso lol a, yel ngo leil lei nixmox dder vaer gger a, ngo lei yarzisael ggese.

Barloxr Anixrximur Leil Weix A Qiuxr

⁸⁻⁹ Ngo mel camar loxr a; eilboxl yoxl Yisu Zidu leil weix a loxrgier dae. Ngo Zidu leil koxl dae a, nixmox vaervaermo, ni leil arsae bei ssi nia miardal cexr. Nael ngo ni leil perniar a, ngo ni leil miardal nr nga a nei,

ni leil qiuxr.¹⁰ Ngo ni ddei zebol Anixrximur leil weix a, ni leil qiuxr. Ngo loxrgier dae car a, Yisu leil biar dae ddar seirseir mel yar leil biar gger a, yar Yisu leil ddarzzi a. Yel yar mel ngo ddei ssor loxr sael a nga.¹¹ Yar halleix ni leil beijjiu guaxr-nr-zoxr, nael eilleix mel niul nrnel jjia leil lei beijjiu guaxrzoxr a.

¹² Yel ngo eilboxl yar leil zi a, ni dax halmaex jjixr lei lol. Yar mel ngo perniar dae ca a.¹³ Ngo mel yar leil ngo dax hher dae lol niazzir dae arddeir a. Ngo Yisu leil biar dae ddar seirseir mel leil weix a loxrgier dae car a, yar ni ddei dirtu bei a, ngo leil visser lol.¹⁴ Nael ni arsae xiär dae lei ngo nr saexl a, ngo dder eine nr bei. Ngo ni leil ddoddo-nrddo ngo leil beijjiu lol nr nga a nei, ni beijjiu ggese nia.¹⁵ Anixrximur ni dax arleixr bbe kae a mel, arddolcar a cirse-cirsil lei ni dax hher dax doxr lei saexl nr ddo.¹⁶ Eilboxl yar mel zebol lar ar ddei nr nga, yar Yisu Zidu leil ddarzzi a, niul perniar dae arzzi-nimar loxr ho a; yar bir zebol leil seir leixl a. Ngo dax bbeix ci a lei eine nga; ni dax bbeix ci a gielgiel eine nga. Nia nrnel jjia lei Seirpor leil ddarzzi a, nia dder arzzi-nimar loxr a.

¹⁷ Yel ni ngo leil miar bei carbeix i mal gger arddeirnga a, yar leil ngo leil hexl mel sael a hexl nia.¹⁸ Nael yar ni leil azo duixluzxl nr ddo bei goxr bbeixsael ni dax azo ca dae arddeirnga a, maelmaerjjia lei ngo oldde leil suax deix dae ddo.¹⁹ Ngo Barloxr ni dax azo ca dae arddeirnga a, ngo arsaebeilei ni leil koxl gger nia. Ddar eil qier mel ngo armael vaexr a. Nael ngo ni leil bbeix gger nr ssa, ni armael ddei olga ddei lei ngo dax ca dae seir.²⁰ Zidu leil weix a ngo ni dax qiuxr dae eil ddei ni ngo leil ddarkoxl la. Eine nga a mel, ngo nixmox zzar dder zzaso a.

²¹ Nael ngo ddarzzi, ni ngo leil ddarkoxl var, ni bei dae mel bir ngo qiuxr dae mel leil seir leixl var lei ngo saexl a, yel ngo dder ni leil xil vaexr gger arddeir a.²² Ngo yarzi nia dax halmaex jjixr lei loxia. Nia Arbosobo dax ddar biar dae mel yar noni arddeirnga a, ngo dder nia dax halmaex

jjixr lei cexr a. Yel nia ngo leil hher ggie ar maex bei har zaxr gger dae la.

Nixmox Zzasoso Dae Biex

²³ Yisu Zidu leil weix a ngo dax cirgo a loxrgier dae Yirbafuxr ni leil zzasoso dae biex dae. ²⁴ Halae ngo miar bei carbeix Marker,

Yallirdaxrgur, Dirmar nei Luxljia, yaa lei ni leil zzasoso dae biex dae.

²⁵ Seirpor Yisu Zidu nia leil cirza-hanga seirseir meixl gger lol nia.